

Ո Ր Ո Շ ՈՒ Մ N 211
/վարչական տույժ նշանակելու մասին/

«25» մայիսի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով «ԱՐ ՏԻ ԲՐՈԿՍ» ՍՊԸ-ի տնօրեն Դիանա Լևոնի Գզողյանի (նույն.քարտ՝ 008272981, հասցե՝ ք.Երևան, Մալաթիա-Սեբաստիա, Միքայելյան փողոց, տուն 26, էլեկտրոնային հասցե՝ diana74.93@mail.ru) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

ՀՄՎ ՄՄԿ բաժնի 4-րդ բաժանմունքի մաքսային տեսուչի կողմից ՄՄԿ-ում իրականացված մաքսային հսկողության արդյունքում պարզվել է, որ «ԱՐ ՏԻ ԲՐՈԿՍ» ՍՊԸ-ի տնօրեն Դիանա Լևոնի Գզողյանը թիվ 05100041/070423/0001251 ապրանքների հայտարարագրի 44-րդ սյունակում կցել է 0323S բեռնագիրը, որի համարը համընկնում է ավելի վաղ լրացված թիվ 05100041/030423/0001189 ապրանքների հայտարարագրի փաստաթղթեր բաժնում կցված բեռնագրի համարին: Վերոնշյալ ոչ ճշգրիտ տեղեկությունը ներկայացնելու արդյունքում չհաշվարկված (պակաս հաշվարկված) կամ չվճարված (պակաս վճարված) մաքսային վճարներ, մաքսային մարմինների կողմից գանձվող այլ հարկեր, տուրքեր և վճարներ (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չեն առաջացել:

Փաստի առթիվ ««ԱՐ ՏԻ ԲՐՈԿՍ» ՍՊԸ-ի տնօրեն Դիանա Լևոնի Գզողյանի նկատմամբ ՀՄՎ ՄՄԿ բաժնի 4-րդ բաժանմունքի մաքսային տեսուչի կողմից 10.04.2023 թվականին «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության

միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 316-րդ հոդվածի 1-րդ մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

«Մաքսային կարգավորման մասին» ՀՀ օրենքի 316-րդ հոդվածի 2-րդ մասի համաձայն՝ «Սույն հոդվածի 1-ին մասով սահմանված արարքը մեկ տարվա ընթացքում կրկին կատարելը՝ առաջացնում է տուգանք՝ տասը հազար դրամի չափով»:

«Մաքսային կարգավորման մասին» ՀՀ օրենքի 316-րդ հոդվածի 1-րդ մասի կիրառման հարցը պարզելու համար հարցում է կատարվել ՀՀ ՊԵԿ բոլոր մաքսատուն-վարչություններ և Իրավաբանական վարչություն:

Հարցման արդյունքում պարզվել, որ «ԱՐ ՏԻ ԲՐՈԿՍ» ՍՊԸ-ի տնօրեն Դիանա Լևոնի Գզողյանը ՀՀ ՊԵԿ Երևանի մաքսային սպասարկման կենտրոն-մաքսատուն, վարչության պետի 13.04.2023 թվականի թիվ 864/1 որոշմամբ նախազգուշացվել է, հետևաբար այս դեպքով կիրառելի է «Մաքսային կարգավորման մասին» ՀՀ օրենքի 316-րդ հոդվածի 2-րդ մասը:

Հիմք ընդունելով և ղեկավարվելով «Մաքսային կարգավորման մասին» ՀՀ օրենքի 316-րդ հոդվածի 2-րդ մասով, 322-րդ, 334-րդ հոդվածներով՝

Ո Ր Ո Շ Ե Ց Ի

«ԱՐ ՏԻ ԲՐՈԿՍ» ՍՊԸ-ի տնօրեն Դիանա Լևոնի Գզողյանին «Մաքսային կարգավորման մասին» ՀՀ օրենքի 316-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **10000 ՀՀ դրամ**:


2. Որոշման մասին հայտնել Դիանա Լևոնի Գզողյանին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված փուզանքի վճարման հաշվեհամարն է. **900005024055' 10000 ՀՀ դրամ, նշել 30 կողը:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ